

আকাঙ্ক্ষা অবসরে

পুরোনো অনেক কথা
বহু স'য়ে আসা ব্যথা
কিন্মা কতো উৎসবের আনন্দের রেশ
দূর থেকে ভেসে আসে ক্লান্ত অবসরে-
বেলায়-অবেলায়, প্রভাতে বা সন্ধ্যায়, যেকোন প্রহরে।

জীবনের পথে ফেলে আসা ছোট ছোট কতো কথা
ভুলে যাওয়া স্মৃতির অসংযোগের অসংখ্য ব্যথা-
নৈশ্কর্মে মনে পড়ে অকারণে
টুকরো টুকরো আবরণে
ব'য়ে যাওয়া সময়ের আচ্ছাদনে।

কিছু বিজয়ের গৌরব
অপূর্ণতার বেদনায় ঢাকা পড়ে গেছে।
কর্মহীন জীবনে এখন স্মৃতিই সরব-
অপারগতার অন্ধকারে
কৃতিত্ব বাপ্সা হয়ে গেছে।

তথাপি মোহ আছে বেঁচে, প্রতিষ্ঠার গৌরব-
বিজয়ের বাসনা কাটেনি এখনো, আকাঙ্ক্ষা সজীব
শরীরের জরাব্যাপ্তি অটুত্বাস্যে সদা ব্যঙ্গ করে!
অবসরেও নিস্তার নেই, কল্পনা জাল বোনে-
কর্মকাণ্ডে লিপ্ত হই, ব্যস্ত হই অকারণে, মনে মনে!